

Сталинъя

УАССР-ысь Ян-Бодья но Игра ВКП(б) райком'ёслэн но райисполком'ёслэн органзы

№ 61 | 1938 ар • 6 июль

Витетй
арзэ потэ

Пудоосты умой сионэн обеспечить кароно

Пудо вордонэз паськытатон бад-зым значенне иметъ каре урожаез жутонын, трудящой массаослэсь благосостоянияз но колхозник'ёслэсь зажиточностьсэс вылэ жутонын.

Пудо вордонэз паськытатон понна асьме районн котькычэ луовлык'ёс вань, озы ке но райзонн ужасьёс туж ляб нюр'ясько пудо вордон планэз быдэстон понна. Районамы пудо сион дасян куашкаа калэ вуттэмын. План'я колхоз'ёс туэ 12560 тонна силос дасяно луо. Нош 3 июлэз 111 тонна гинэ дасямын. Силос дасян планэс „Артель труд“, „Крестьянка“, „Виль улон“ но „Ильинка“ колхоз'ёс гинэ быдэстйзы ни. М-Итиппской, Иж-Забегаловской но Кыквинской сельсоветёс силосовать карон борды өз кутекылэ на. А писпу куар дасян'я райзолэн планэз гинэ по өвёл. Корпенлод'я но план 77,6 процентлы сява быдэстимтэ.

Турнапны дасяськонэн но райзолэн урод кивалтэмез адзиськиз. 20 сенокосилкаос та дырозь ремонтировать карымтэ на. Куд-ог колхоз'ёс турнан борды бер, неорганизованно кутекызы. 5380 гектар возьлэн 49 гектарез гинэ турнамын ни. Со сярысь верало та факт'ёс, что райзолэн заведующеез Псаев уженыз оперативно уг кивалты.

Силосование кален мыыз

Чутыркой сельсоветысь (Игра район) колхоз'ёс пудо сион дасянын ляб ужало.

„Борец“ колхоз (председателез Перевошиков) 4 июлэз силосовать карон но турнан борды өз кутекылы на.

„Путь Ленина“ колхозын уж умойгес. Татын 45 тонна силос но дасямын ни. Колхозник'ёс али турын октон-калтонын сюлмысь ужало. 4 июле кёняке турын зуродэ люкамын. **Васильев.**

114 процентлы быдэстэмын

„Совет“ колхоз арысь-арес сюрес лэсьтонъя планзэ мултэсэн быдэсъя. Та ужын ужась уполномоченной Широбоков Егор Захарович аслэсьтыз поручить карем ужзэ зеч быдэсъя.

1938 арлы тупатэм планзэ „Совет“ колхоз 114 процентлы быдэстйз ни.

**Шняев,
Широбоков.**

Тырмымтэосты чутрак быдтоно. «СССР-лэн Народной Комиссар'ёсыз-лэн Советсы земельной орган'ёсты, исполком'ёсты, МТС-ёслэсь директор'ёссэс, колхоз'ёслэсь председател'ёссэс обязать каре организовать карыны турын'ёсты дырыз дыр'я выльй качествоен октон-калтонэз, турын'ёсты дырыз дыр'я турнанэз, турыпэз зурод'ёсы люкавэз, озы ик силосной культураосты октон-калтонэз но силосовать каронэз со выльысь, чтобы колхоз'ёсын обобщественной но озы ик колхозник'ёслэн индивидуальной пользованияы зульсэ вавьзэ пудоез 1938—1939 ар'ёслы грубой но сочной сион'ёсын тырмымон обеспечить карыны“ (СССР-лэн Совнаркомезлэн постановлениысьтыз).

Турналэн, силосованиен но писпу крар дасяпэн планэз дыраз быдэстон выльысь ужез организовать кароно. Паськыт вёлмытоно социалистической соревнованиез но стахановской движениез. Агитационно-массовой ужез возь вылэ, колхозник'ёс пёлы вуттоно. Адынос сярысь сюлмаськон, стахановской амалэн ужаны понна котькычэсь условнос кылдытон, котькуд руководительлэн вырысь обязанностеныз луэ.

5 тонна силосазы ни

„Совет“ колхоз пудоослы толалтэ азе сион дасян борды кужмо кутскиз. Колхозник'ёс силосовать каронын дружно ужало. Ваньмыз 50 тонна силосамын ни.

4 июле колхоз турнаны потйз.

Я. Шняев, А. Шняев.

Пудоез толалтэ азе умой зечлыко но тырмыт сионэя обеспечить карыны понна, „Пушкари“ колхоз (Б-Ошворца с-с) 28 июне ик турыпэз октон-калтон борды кутскиз. Та колхоз, сельсоветысь но озы ик районсы вань колхоз'ёслэсь турыпэз октон-калтонэн азымынсен луэ. Ваньмыз 16 га выльысь турнамын но зуродэ люкамын ни. **В. Л. Ш.**

Стахановец'ёс

„Красный октябрь.“ колхоз 1938 арлы тупатэм сюрес лэсьтон планзэ мултэсэн быдэстйз.

Михайлова Анисия, Байбузина Матрена но Вахрушев Михаил Яковлевич стахановской амалын ужаса, нуналлы тупатэм нормазэс 150-170 процентлы быдэс'яллазы. **М. И. В.**

РОДИНАМЫЛЭСЬ МОЦЬСЭ ЭШШО НО ЮНМАТОМ

„Совет“ колхозын заемлы гожтйськон азинлыко ортче. Одйг нунал куспын 2510 манетлы заем вёлдэмын ни.

Шкляев Яков Фокеевич 100 манетлы, Шкляев Константин Яковлевич, 85 манетлы гожтйськызы. Таос заемлы взнос'ёссэс гожтйськыкузы ик 100 процентлы тырызы.

Шкляев Яков Фокеевич колхозник заемлы гожкыкуз вераз: „Мон арлы быдэ заем вёлдонн активно участвовать карисько. Туэ государстволы 100 манет коньдон сётиса, а зьпалан социалистической промышленности, сельской хозяйствеоз но асьме родинамылэсь мощьсэ юнматыны юртто. Со луоз мынаш фашистской пуныослэн

вылазказылы ответэн. Заемлы гожтйськонэз организовано но дружно ортчытыса эшшо одйг пол асьмелэн коммунистической партылы но Сталин эшлы преданностьмес но яратонмес продемонстрировать кариськомы“.

„Совет“ колхозын заемлы гожтйськон мынэ на. Подписка дыр'я ик татын 550 манет взнос люкамын ни.

Заемлы гожтйськон'ёс озы ик „Виль улон“ колхозын, Пастуховской но Чуровской лесопункт'ёсын бадзым под'ёмен мыно. Пастуховской лесопунктысь 107 мурт ужасьёс 17.525 манетлы, Чуровской лесопунктысь ужасьёс но служащойёс 15.000 манетлы гожтйськызы. **Кузнецов.**

Виль заем—тушмон'ёслы чурит пезьдэт

„Якшур“ колхозын 2 июле заем вёлдон кутскиз. Колхозлэн счетоводэз Вахрушев Николай Яковлевич, виль государственной заемлы 150 манетлы гожтйськиз.—Советской родинамылэн выпускать карем заем'ёсыз асьмелэсь улонмес умоятыны мыно,—вераз Вахрушев эш.—Мон адзисько кызы лэсьтйсько фабрик'ёс, завод'ёс, школаос, больницаос, асьмелэн странама неприступной луэ. Та виль заем—тушмон'ёслы чурит пезьдэт. Соин ик шумпотыса 150 манет государстволы пунамен коньдон сётйсько.

Вахрушевлэн примере з'я Ширококов И. В. 150 манет-

лы, Вахрушев Герасим 100 манетлы гожтйськызы. Ваньмыз 1300 манет заем вёлдэмын ни.

К. Загребин.

* * *

„Удмурт коммуна“ колхозын вакчи дыр куспын 1200 манет заем вёлдэмын. Ширококова Екатерина А. но Ширококова Устиния быдэн 50 манетлы гожтйськызы., нош колхозлэн председателез ВАХРУШЕВ СЕМЕН ЕФИМОВИЧ, колхозник'ёс ШИРОКОВ Д. И., ВАХРУШЕВ ВЛАДИМИР быдэн 100 манет заемлы гожтйськызы.

П. Д. Ширококов.

Партийной документ'есты умой оформлять кароно

Партие пырон сярысь заявление, автобиография, анкета, рекомендациос но партсобраниослэн решениоссы основной первичной партдокумент'ёс луо. Та документ'ёс'я кандидатской карточка но партийной билет'ёс сёт'ясько, партийной стаж устанавливаться кариське, коммунист сярысь основной сведениосыз сётэ.

Партийной документ'есты шонерно зеч оформлять карон, туж бадзым политической значенне иметъ каре. Талэсь бадзым значенизэ партдокумент'есты про-верять карон но соосты вош'ян уж'ёс возьматйзы. Кытын ке партдокумент'ёс урод ке оформлять каремын вал, отын враг'ёс но капчиен партие чуртнаськыны быгатылйзы.

Партдокумент'есты про-верять каремлэсь но вош'ямлэсь тросэз парторг'ёс урок извлечь карымтэ на, соос али но документ'есты оформлять карон уж вылэ простой технической уж вылэ сямен гинэ учко, соин ик первоначальной документ'

ёс туж небрежно оформлять-ся карисько. Кыл сярысь, Журавлев эшлэн кандидатка пырыны учетной карточкаез наштаса, юан'ёслы вопрос'ёс сураса гож'ямын. Озы ке но парторганизация сое забрывать өвёл карем. Журавлев эшлэн учетной карточкаез райкомен гинэ забраковать каремын.

Решениос но урод гож'ясько. Чуровской парторганизация Плетенев эшез партие пыртон сярысь таке решение кутэ:

„Плетенев Яков Игнатович парти кандидатысь парти членэ ВКП(б) первой категории“.

Марзэ таке решениысь валалод? Татысь номырзэ но уг луы валаны, валаны уг луы соин, что парторг **Лушников** безответственно относиться кариське документ'есты оформлять каронэ.

Таке практикаез ликвидировать кароно. Партдокумент'есты оформлять карон ужез бадзым политической ужез нуоннын сямен ответственность чувствовать карыса лэсьтоно. **В. И.**

ЦЕНТРАЛЬНОЙ КИТАЙИ


Аньхуэй провинции та куинь берло нунал'ес чоже японец'ес Матан крепостьлэн фронт'есаз воздухысен но муз'ем вылысен дугдылытэк ыбылзы. Берло бомбардировкаос дыр'я город котырьсь внешней оборонительной линия куашкатэмын. Японской бомбардировка Матанэз кышкатэк защищать карисьёслэ пумит'яськем'ёссэс тйялтыны өз вормы. Китайской войскаос та районлэсь бадзым частьсэ асьсэ киын возё на. Матан сектор-

ын японец'ёслэн туж трос калыксы быре.

Датун районэ японец'ёс десант васькытыны дасясько. Соин сэрен соос та районэ трос военной корабльёсты люказы. 46 японской военной корабльёс Датуньсь Дунлю шур кузя вылланы тубо.

30 июне китайской самолет'ёс нош ик японской корабльёсты бомбардировать карыса, японской морской флотлы секытэсь ыштон'ёс лэсьтызы.

Китайын военной дейвиослы



СУРЕД ВЫЛЫН: Китайской армиялэн боецез противотанковой орудия дорын.

„Торпедо“ команда нош ик vormисен потйз

Париж, 1 июле. Гавас агентство ивортэ, что 30 июне „Торпедо“ нимо московской футбольной команда Нице городын французской рабочей федерацилэн командаеныз футболэн шудыса vormисен потйз. Шудонлэн счетэз 6:1.

Планэс мултэсэн быдэстйзы

«Вперед» колхозысь колхозник'ёс (председателез Широбокова) пу куянын умой ужало. Кыкети кварталлы тупатэм свалкаен планэз колхоз 1 июль азелы 130 процентлы быдэстйз.

Красный
лесопункт **Вахрушев.**

АГРОНОМЛЭН СОВЕТЭЗ

Льняной трипс — кышкыт вредитель

Льняной трипс етйнез сись кышкыт вредитель луэ. Солэн кузьдалаез 0,9 миллиметр, сьбд мугор'ем векчи, бурд'ёсыз кык куз. Лобамтэ дыр'яз бурд'ёсыз лач-лач мугор бордаз уло, соин ик та вредитель бурдтэм кадь адске.

Льняной трипс'ёс одйг дырын мукет вредительёс сямен уг пузало, а соослэн гужем быт'ялан размножение мынэ. Пузэс турын куар но етйн будос вылэ лэзем беразы 7-8 нунал улыса личинкаосыслэн (пуз пушкысь потэм векчи нумыр) льняной трипсэн трос ик пёртэмлыксы ёвёл. Пёртэмлыксы со гинэ, личинкаез чуж но бурдтэм луэ. Личинкаез (нумырез) 1-2 нунал улыса етйн будосэн сиськыны кутске, етйн будослэн тканяз (ку улаз) нырыныз бышкэлтэ но отысь будослэсь сионзэ сиыса улэ, соин сэрен ик будос куасьмыны кутске.

Уборка кутскем бере та трипс сорной растениос вы-

лэ мынэ, кытчы со толэз выжтыны кыле.

Льняной трипсэн нюр- яськон ужрад'ёс

Етйн будосэз ядэн пурзытыса ветлоно. Тафеезь яд'ёс мыно: басьтйське 50 килограмм табачной пыль, со борды 50 килограмм векчи пужнэм пень, сое сурам бере етйн вылэ пурзытоно. Та выль верам яд одйг гектар вылэ 100 килограмм мынэ. Табачной пыль но пень сяна анабадуст мынэ. Та анабадустэз одйг гектар вылэ 40 килограмм пурзытоно. Если та выль верам уж'ёсты ортытыны ке уг луы, вож майтал вуэн опрыскивать кароно. Нырьсь майталэз 300 грамм басьтыса 10 литр вуэ разводить кароно. Тафэ раствор гектаре 350-400 литр мынэ. Опрыскивать кароно ручной но конной опрыскательёсын. Соос ке ёвёл — лейкаен опрыскивать но опыливать каронэз чукна вазь но жытазе ортытоно. **К. Ш.**

Тулкым'яське удалтэм ю

Паськытэсь бусыосын Кам ву кадь тулкым'яське „Горд пазяли“ колхозлэн удалтэм юосыз.

Колхоз узур урожаяез октыны-калтыны понна 4 аран машинаос, 3 молотилкаос дасяз. Та сяна одйг кутсаськон машина водяной приводэн юнматэмын. Дасесь куинь кутсаськон лапас'ёс, ю-тысь ворттыны 100 мешок'ёс вуремын, 3 веялкаос но 30 уробоос (ропуск'ёс) ремонтировать каремын. Кузнец Перовошиков Николай кебитын кужмо ужаз, мар понна со коньдонэн премировать но каремын.

Юос пёлысь жаг турынез урон кык пол ортытэмын. 19 гектар вылын етйн синмаськымон чебер будэ. Машинаен араны участок'ёс вис'ямын. Котькуд жнейка борды юнматэмын умоесь колхозник'ёс но колхозницаос. Бригадаос звеноослы люкылэмын.

Колхозлэн председателез Перовошиков Григорий уезлы добросовестно относиться кариське. Перовошиков эш 1938 арлэсь урожайэз октонкалтон сярэсь СССР-лэн Совнаркомезлэсь постановленизэ колхозник'ёс пёлын коллективно лыдзон ортытйз. Отын ик бригадир'ёс: И. Перовошиков, П. Перовошиков но Тронин юосты вакчи дырын ыштон'ёстэк убрать карон вылысь куспазы социалистической договор'ёс но план тупатйзы.

Умой дасяське колхоз сйзыл зег кизён азелы но. Кидыс 70 центнер шертыса тырмымон дасямын. Кенос, кытын улэ зег кидыс, дезинфицировать каремын. Зеглэсь урожайэз жутон вылысь колхоз бусые 3000 воз пудо кыед потйз ини.

Симанов.

Игра район.

„Веселый труд“ кол- хоз бере кыле

Б-Ошворцинской сельсоветысь Сталинлэн нимыныз нимам колхоз уборкалы умой дасяське. Ю октонкалтон азелы машинаос но инвентарьёс тупат'яса быдтэмын ни.

Колхозын ю-нянь чебер будэ. Вань культураос'я уриськон ортытэмын. Уката ик етйн котькулэсь но удалтэмын. Кузьдалаез 50-60 сантиметр ни.

Та колхоз бордын ик «Веселый трудын» суред мызон. Колхозлэн председателез Вахрушев ю октонкалтонлы дасяськонэн уг кивалты. Уборочной машинаос тупат'яса быдтымтэ на.

П. Широбоков.

ГЕРОИЧЕСКОЙ ПЕРЕЛЕТ
СССР-лэн Верховной Советэзлэн депутатэз летчик-высотник В. Коккинаки но замечательной штурман А. Брядинский эш'ёс Москва—Хабаровск—Владивостоклэн районаз 24 час но 36 минут кустын 7600 километр шуг скорестй ортыса героической перелет лэсьтызы.



Суред вылын: В. К. Коккинаки.

Выль дышет- скон арлы об- разцово дасясь- коно

Асьме районын 1937-38 дышетскон арын 6 школаос кык сменаен ужазы. Сое палэнтон понна туэ Богородске, М-Итчае, Бабашуре школаос лэсьтоно. Сельсовет'ёс райисполкомлэсь постановленизэ быдэстон борды пресупно ляб кутско. Як-Бодья сельсовет (председателез Петров), М-Итча (председателез Малыгин) школа лэсьтонэн та дырозь номыр но өз ужалэ на- Богородскын али гинэ кутскизы.

Школаослы кулэ луись инвентарь дасян но каллен мынэ. 600 выль стандартной партаос, 45 классной доскаос но 17 шкаф'ёс лэсьтоно. 4 июлэз 150 партаос но 17 классной доскаос сяна лэсьтэмын ёвёл. Озы ик школаос пу дасянэн но вортонэн планэс 50 процентлы быдэстыса буйгатскизы.

Уката ик выль дышетскон арлы дасяськонэз Угловской школа (зав. Карпиков), Иж-Забегаловской (зав. Широбоков), Тылошурской (зав. Вахрушев) куашкато. Та школаослэн кивалтйсьёсы али но мебель дасян борды өз кутскилэ на.

Таос бордын ик вань выль дышетскон арлы зеч дасяськем школаос. Чекеровской начальной но Б-Ошворцинской неполной средней школаос дышетскон арез пумитаны дась ни.

Ар. Марков.

**Редакторез воштйсь
В. Я. ИВШИН.
Поттйсь райисполном.**